



道鄉先生鄒忠公文集卷之六

詩

和路主簿思雨

造物初無欠與餘
盈虛消息自洪鑪
晴空已見雲如火
秋穫難期未似珠
劇邑君宜形遠慮
泮宮我亦念群枯
若為驚起蒼龍睡
賴有新詩勝大雩
見論詩頗有是句

獨坐偶書

梧桐沐雨響玲瓏
簾幕陰陰颺晚風
講誦乍聞人語息
滿床書史興何窮



寄濠州陶戶曹

臺枕長淮聳半空
登臨應得古人風
水天上下碧無際
莫獲觀魚與子同

勉畢元明

男兒數偶奇
不必苦嗟咨
顏子猶簞食
莊生亦布衣
百年容易老
萬卷卒難窺
致力宜為者
騰驥自有時
謝羅朝奉惠栢栽

惠我栢雖小觀

息實深歎令儒服者同此歲寒心

月映庭雕玉風

韻響金公車已馳
節不及待清陰

和錢發到贈胡戶曹

公餘來訪習家池
楚楚王孫桂一枝
九十春光未過半
倒壘尤喜有前期

和路主簿喜罷役法并酬范奉議見寄

因革紛然豈用情
由來消息與時行
奏封直指財并力
造法當期實應名
可使華夷漸潤澤
不煩衡石自均平
將明况是憂民者
即見熙熙百室盈

酬黃秀才見寄

自期謀道不謀身
不逐輕狂戲此春
讀史窮經求在我
攀龍附鳳彼何人
一言逢主未如志
百結成衣月歎負
早晚病除堪屬思
新詩莫厭起予頻

偶書

底事爰然不自高傾心劇孟久遊遨
元來緩急叩門處徇義忘軀勝我曹

和郡主簿絕句九絕

管鮑當年志風霜因自如
在衰緣嗜慾豈在數行書
俗論長紛若微言僅蕪如
逢君揮玉麈勝讀十年書
肘後虛金印梅仙職偶如
升高元自下功業異時書
塞北亢喉地并門子所如
六花無處用卻毅自詩書
能詩唐太白善賦漢相如
元帥真文學應先薦橋書
取交此無忤初終忠一如
陳張遺轍在試長馬遷立

咳唾成珠玉吾儕孰子如
更勤潘氏學豈愧樂尚書
提履歸何處觀於自如期
君求向上糟粕古人書
春風暗揚柳相見音如
雖愧江淹筆狂言為子書

送詩卷還參寥

盈軸新詩字字清彌天
不愧聲名茂陵消渴無醫
處賴有醍醐得細傾

和路子高微雨中至山光寺

野闊天低四望賒
霏微膏雨兆休嘉
早鍾鬱鬱穿雲斷
官柳垂垂夾道斜
邂逅庭前方指柏
逡巡木末已棲鴉
榜朱易服歸來處
荷笠收車幾萬家

送監作院潘供備

盟府功臣奕世孫，低回筦庫尚隨群。干戈分職名雖武，詩酒忘懷格自文。傾蓋二年嗟往事，羸糧一日指行雲。江梅欺雪南枝發，如綉新除定此聞。

其二

飄飄雅致孰如君，旋闢西軒置酒樽。振木豈惟聞白雪，斷纒仍許醉黃昏。長亭風順已言別，小圃春廻空自繁。惆悵潛齋不知處，何年携手却重論。

簡王正父覓酒

甕面蛆浮玉槽頭，水滴珠未能如茂世聊。與義城俱

寄周廉彦

楚水不風魚逝遠，霜天初月鴈飛高。履穿袍敝渾無暇，目斷心馳祇自勞。

和劉知錄見寄并簡陽先生行先

劉郎爽氣曉霜晴，陽子高懷寶鑑明。雖幸竹林容入會，每慚布鼓獨無聲。一杯葵藿真佳趣，五鼎牛羊謾宰生。廊廟它年調燮手，不妨潛室且和羹。

和陽先生見贈

萬卷藏書骨自閑，沉涵聖道欲晞顏。片心既與人寰遠，送駕寧容俗士攀。嗟我曳裾膠擾處，荷君置榻寂

寥間藜羹玉塵清何限每到斜陽不忍還

求劉知錄澄泥香爐

千卷新書三疊琴青燈炯炯夜沉沉野人此外無餘
好只欠澄泥一炷深

大雨中接憲使因成小詩呈陽先生

霜風折木雨如傾斂板泥中斲役并遙想先生鼓琴
罷觀書正傍知短檠

次韻盛長官覓酒

九萬鵬程戢怒飛驅愁却歎酒無威類
舉一斗何能醉十司
令非文

次韻胡秀才遺桃花

灼灼桃源數朶紅青禽傳到華門中傍人只喜窺春
色達士元來寄祖風謾說幾經千歲賞會真一笑萬
緣空沉香散處圓蒲穗花自蕃鮮體自同

次韻俞秀老建隆道中

道人不獨是詩豪曾把滄溟注一毛破曉聯鑣訪孤
寂致身如在太山高

次韻慕公實

從來文史足三冬何事明時作退翁刺口豈能論擾
擾冥心直欲似空空半軒蒼莽雨初霽一鈞清冷月

正隴好把晨昏付香火箇中真樂更無窮

次韻錢岳雪中

六出飛瓊玖雲愁正臍天寒聲生密竹爽氣徹純綿
故苑風初靜重樓月向圓何當酬此景蘇甲引金船
次韻王賢良贈陽先生

脩塗幾閱歲終窮鶴唳猿啼蕙帳空杖履何當歸舊
隱靜看五柳颺春風

其二

賢壘 所樂本非窮曾向真乘悟色空聞說近添方外
友清 應得晉人風

二月十五日朝拜建隆橋上偶作

單衣迎犯曉風清斗柄回南月尚明柳密行人看不
見輪蹄相屬但聞聲

清明日遊大明道中

春風蕩漾遍天涯縱步郊原事事嘉不許遊人同所
得竹林深處試龍茶

和通判王定國承議遊竹西

流年忽忽又殘春策杖郊原肯厭頻往古來今何足
校閒花幽草自爭新旋開酒蟻成高會共解名韉作
逸民隨處怡然真有味不須千里憶吳尊

其二

一霎狂飈破曉陰春光極目幾千尋
會須勝事追蓮社更約幽人訪竹林
渺渺平田涵白水蕭蕭蒼檜聒清音
鄭虔才大猶遭罵重愧持杯許脫簪

送胡適道秀才東歸

十年星散忽相逢寂寞蕪城古類宮
一炷澄泥窺祖要三卮浮蟻對春叢
牢芻豈解留天驥雲路還聞逐塞鴻
蓮社故人如見問為言涉世百無功

次韻蔡寬夫解元暮春見懷

九十青陽安在哉臨風搔首謾遲回
春於我輩非無

意詩必先成為有十拖架醅醖香
破麝翻堦芍藥大逾盃
病除更約歸愚子浮蟻猶堪席地開

又

驚紅軟軟點春春去黃鸝喚不回
九截脉參知我病千人筆掃見君才
會須礪何揮談塵方悟妙
馳落酒盃命駕想應憐叔夜笑顏一月必教能開

又倒用前韻

休論花草與樓臺借得江南疊嶂開
縱使春歸無覓處何妨人樂自持盃
碁如孫武推多筭似顏淵已竭才
早晚竹林修故事更看君筆燦昭回

送及之賢良遊錢塘

屏迹人間二十年下帷搢笏究陳編
新書曾入老商躬高第誰如顏子賢
策杖青山元有約揮金紅藥故無緣
豈宜便隱雙溪去優詔行聞隊日邊

送俞秀老歸維揚

踏雪馬原憲履御風獵獵老萊衣
情投豈比鍾山出興遠同剡水歸
煬帝池邊松陰印促席相羊處應記當年接下

雪中呈秀老原道

引舟已上正隆冬千里隋堤雪翳空
恰似常年三月

尾柳花凌亂逐東風

戲孫揚休

耿耿僧坊寄日邊晚移窮巷避誼
喧莫羨藜不飽同攻苦秣馬言歸獨處
木葉已隨風力遠霜輪行作壁形圓衣冠返敝文昌路何似高堂坦腹眠

簡李子温推官

大中當日號無兄苗裔于今更絕倫
力心本源書麗富唾成珠玉錦囊新
育門久欲攀高岫鼎角方欣覘後塵
借問竹溪餘地否狂吟聊伴謫仙人

寄周廉彦

不見冰清幾歲周乘風舉翮恨無由瀕江松竹三秋
後隱几情懷萬事休險阻艱難空蟻鬪東西南北正
洋洋與君相好如兄弟莫惜微言爲置郵

風起有感

秋來鬱鬱但炎蒸一夜狂飈駭四鄰斷送冥鴻尤得
勢留連殘暑更無因鏡中鬢髮雖非故窓下燈檠新
可親勿似安仁兒女態由看節物重悲辛

班超

功名從古病難成况作天西絕域行縱有平陵同落
落其如衛候尚營營殺妻吳起終道逐上疏鴻卿不

免刑定遠獨能逢聖主千年萬歲萬嘉釐

次韻崔浚明見贈

誰爲冥行作指南青燈黃卷久間關逢君豈測陂千
頃許我時窺豹一斑驥足拘攣雖未展龍鱗騰踏會
須攀如何暗把隨珠擲欲報殷勤只強顏

將至南京簡應介中

得之平陸我登車不見群優孟子誅只恐鼻端無好
質歸時依舊腹空虛

其二

幾日風塵困馬蹄忽瞻孤塔獻雲霓雙眸已似清江

洗况入亭城見角犀

其三

先生不得醉紅裙何以雪連連
旅人故苑池臺老秋色類宮
講罷走直輪

其四

直諒多聞許文選
進曾向睢陽

九月

塵濛珠網
息會須急

息會須急

送曹巨源之南都

高堂且置琴中操
駿馬初馳陌上塵
無限清風與明月
一時分付屬閑人

石適中

剽犀翻羽早稱奇
身會難遭但布衣
不使牙籌煩伯仲
果然玉樹照庭闈
靈臺久已天昭鑒
奏籍初聞子發揮
三世簪纓正無恙
如何遽作百年歸

又

南明山下讀書堂
曾許寒生借燭光
高義豈殊親骨肉
令人無復念家鄉
那知十載天涯別
忽起三泉薤

露傷追恨故時携手處不能執紼助棺傍

和朱仲明見贈聞琴

子期骨髮已埃塵誰謂知音不復生觸處折揚爭屬
和獨君忘味歎遺聲單門寒日正多暇玉塵高談相
與清鶴舉魚沉重惆悵一樽麥酒薦蒸羹

次韻趙希元憶處州梅花

萬花頭上占天工得意開時斗未東破月麝臍來馥
郁橫煙玉樹淨玲瓏暖歸故藥應欺雪人在他鄉正
御風借問殷勤動詩興忘機爭似鹿皮翁

冬至夜夢中作

爐煙颯颯對團蒲暮去朝來心自如還見人間好時
節群陰消盡一陽初

雪中簡次蕭求團茶

竹上松間敲玉花最宜石鼎薦靈芽蓬門不識蒼龍
壁借問風流宰相家

和晦之見贈聽琴

忘子當年妙五音曾令按劔革初心師文重愧難成
曲潘岳胡爲縲見尋在昔絲桐嘗棄置到今山水自
高深何當共造無絃處莫使淵明擅此琴

再和晦之

舉世欣欣濮上音
絲桐還寄長卿心
知君韶漢思千載
勁節松筠挺幾尋
萬籟息時霜劍立
一燈明處夜堂深
它年振鐸收遺器
豈愧雲和瑟與琴

倒用前韻

我有一張琴窮高更極深
瓠巴那解鼓師曠
杳難尋寂寂三冬夜
悠悠萬古心
衣冠徧天宇
誰爲作知音

次韻道卿寄同僚

從事休嗟我獨勞
何如對雪詠瀟瀟
聖賢歛灑冬來美
朋舊綢繆老不凋
仇覽初年猶主簿
田單它日竟屠聊
上方側席搜遺逸
未易沅湘作大招

督巨源和詩

詩成七步有家風
底事淹留歲已窮
應笑枚臯太容易
欲令句似長卿工

郊行呈彥祖

遲日初乾雪徑沙
等閑聯騎過田家
長官標格風塵外
衰草坡前報晚衙

和彥祖寄次蕭

格外參軍事事嘉
竹窻全是子猷家
清狂上客知何處
恨不同燃栢徑槎

東理堂

主人生長綺紈中標致分明儒者同結構不因窮鼎
俎棲遲聊欲事磨礱血漫霜劍悲王鳳坐擁雲鬟笑
馬融銘府功勳久牢落會須騰踏振家風

戲社正李子温

紅蓮上客有新篇不見長安驛使傳寄語持綱社中
老可憐三百青銅錢

寄陽先生

先生名孝本唐陽城苗裔舉進士
不偶擢罷不畜妻孥來京師買書
數萬卷以歸老于通天巖
郭帥滿公上書薦公薦之

長揖公卿不轉頭五車圖籍指虔州胥掄肯使家風
墜謝幣空令世俗羞鄉人助之其頽甚共出錢千弄鳳

騎龍誠莫及壞車殺馬恨無由嵩山出處君知否嵩山
處士近有刺廷起者未
幾言者交攻之竟罷去似與高人作覆軒

發山口堤上

煙籠官柳柳籠堤風引澄波細細移駿馬不知鞍上
意回頭已是獲麟陂

渡汝河

舊來紙上得河名今日橫過徹底清浚治早經神禹
手若為汨汨尚西行

過中都王彥章廟

一時多難見忠臣力擁貔貅扞此城豈為聖人曾作

軍由來壯志在留名鐵鎗埋沒今何處廟食追崇事
若生功業已經華衣贈只應長伴斗魁明

以奪堂

百鍊終成繞指柔何人勁節擬橫秋目前軒冕白來
去堂上詩書嘗講求風度綺疎香漠漠月移苔砌竹
幽幽將軍此意生平事不似空言不到頭

閑軒

結構俯危城公餘杖履輕事隨塵自遠心與水長清
隱几魚方樂開窗雨乍晴憧憧渡頭客誰會此時情

王憲湖上分韻得荷字

使星明處是天河習習輕颺生芰荷自有芝蘭隨後
乘更容簪履侍鳴珂未甘城鼓促清賞聊與汀鷗分
素波異日定應如此少雲雷行欲起龍梭時王憲

送王憲赴闕

鳳詔傳天北輜軒指建章既能思賈誼何患老馮唐
况是高門慶從來美譽彰靈臺懸寶鏡峻節凜秋霜
扈刃誠難敵黃陂豈易量承家但清白報國頗施張
屬部分釐大終朝事錦囊收功殊俗士知己恃明王
此去堪前賀胡為獨倍傷昔霑淮水潤今借德星光
折柳故多恨銜環空不忘它年重望履應已步巖廊

送王裘仲侍親赴闕

置榻初相得膏車忽啓行秋風無限事麥酒不勝情
原憲何曾病丘明竟有聲從六日三日看功成

道鄉先生鄒忠公文集卷之六

道鄉先生鄒忠公文集卷之七

詩

試日懷世美

挾策剛為泮水行暖風遲日試諸生姚黃魏紫知何
許獨有楊花撲硯輕

戲王寬之

晚來聞說醉黃封絃管欣欣急雨中應笑西鄰少風
味一爐沉水對梧桐

其二

黑龍翻海幾朝昏今日晴陰似欲分不道穀飛多作

盡猶教歌扇過行雲

次韻世美簡別乘喜雨

一勺龍泉甫到城滂沱疑是馮南溟棗心正為斯民
赤菜色寧憂異日青擊壤田家方自得擲金詩軸已
交形病來無復高陽興宴喜空煩置醪醕

湖上雜詠

荷葉如錢三月時幅巾藜杖一追隨爾來勝事知多
少惟有風標公子知杜牧之以白鷺為風標公子

其二

何處清風作晚涼解衣相與面滄浪青萍紫芡令人

恨渡却琉璃萬頃光

其三

華亭標格本青雲邂逅西湖秋復春作意一聲君會
否鷓鴣鸞鳥集處是真人

其四

疾病經旬厭藥杯喜君折簡傍湖來濃雲幾敗乃翁
事賴有南風為約開

其五

濱湖一一敞雕欄自是黃塵不汝閑今日舒眉寧易
得未應輕作剡溪還

其六

霜蹄檜楫久途窮暫喜天時人事同
濯熱不須三島去高談落塵自生風

其七

嵯峨秀色雨晴時極目城隅更落暉
何必鱸魚動秋意好携雙屐便言歸

登樓

華門真蟻穴曠快一登樓天地投雙屐
詩書落九州欄干元詰曲日脚更遲留
借問同來客能同此意不聽泉

天中懸日月激激正鳴泉洗耳豈吾事
披襟聊石邊焦桐無雜弄佩玉有群仙
欲識偃溪語于今蹄與筌

呈同社

太史占星久寂寥高陽煙月但蓬蒿
人才豈是非前日天意端如待我曹
萬古衣冠歸指顧一時天地入風騷
它年南北參商去知有青編破鬱陶

馬上

策馬戴殘星郊原破暑清人間千萬事
併入一時情

又二首

晴空雲物不留形大塊遙呈一點青
聞說堪巖隱君

子何當北面問黃庭

其二

孤塚如山官路傍老農指似是前王可憐垣赫當年
計牧笛樵歌付夕陽

追涼

三伏流金石端居若探湯古松搖落照芒屨促追涼
天壤知誰較形骸亦自忘何須北窓下始解到羲皇
參寥示簡元規詩用其韻寄之

千崑萬壑又青天一鉢新從淮上旋昨日浮雲今止
水誰知庵內更無邊

又

人間何嚮不鹽梅江海元從蟻穴開列戟門庭掃蹤
跡只應飛矢亦潛來

次韻參寥訪和靖先生故居

湖邊高節與誰鄰落落寒松徃徃皴就使衡門已塵
土不妨千古自陽春

關氏四照亭次韻

孤亭縹緲枕煙霞面面江山不用賒何日乘風指星
紀與君携手逐飛鷗

壽星院觀竹同前

祇園寂寞聳高材自有鸞凰接翅來
回首壺觴散桃李日斜風動使人哀

送王幼安赴舉

幾斗幽徑委榛蕪此去寒生孰子如
筆下奔騰三峽水曾中突兀五車書
豈惟麗賦欺弘正會使清時識仲舒
富貴由來皆骨相門閭高處莫趨趨

送二弟赴開封舉

古人捧檄緣親喜况值秋風一鷲天
相與搏空謝蓬艾歸來禱壽綵衣鮮

樞澗馬鋪壁間有黃元明詩因次其韻

武當在何許漠漠西南天雷電正多事
道途如去年參差揮塵約妨廢把書眠
破我征鞍恨清詩猶燦然

純孝墓

禽犢何知尚母懷黃泉相見豈宜哉
向非雅意一杯去安得迷心中路迴
自古功名隨日月于今廟貌倚山佳
鬼可憐肉食趨朝者糞壤紛紛久已灰

仙翁山下遇王由正用驛壁二詩之韻見意

物外風期迹已陳須知日月去來頻
我今欲換神仙骨還向山前逢異人

用邢恕舍人韻

其二

煙雨冥冥不肯晴無因飛步數峰青
鵠來山下傾談塵全似江邊語
醉醒用魏銓鈴

阻雨呈由正

秋風吹雨入疎櫺永夜漫漫雙眼明
借問泥涂困行李何如南畝念西成

其二

練石曾聞補就天如何淫雨尚緜緜
只應知我班荆意欲使從容夫子前

過仙翁山

群山環拱一山青曾駐仙翁竟得名
前日授書非我

事旄頭不耀正休兵

別由正

許汝相望無百里政聲文譽益驚人
豈知今日俱長路重慰平生仰後塵
雲澹京山黃鵠舉風回漢水白鷗馴
歸來有約天從否準擬冥行細問津

穰東驛壁間有詩因次其韻

蕃轡驅馳長眼花更堪風雨作泥沙
郵亭准擬一醉倒白酒黃雞無處賒

林垵驛壁間有詩因用其韻 六言

日轉山亭寂寂夢迷蝴蝶雙雙何獨滿
明寄傲吾今

亦是南窓

早行

朝來由氣銳前程入馬蹄天形隨月見斗柄傍人低
路轉纔縈白沙平豈辨泥露零欺鬢髮人吹隔蒿藜
恍惚南柯夢參差逢氏迷比經十里堠始報一聲雞
似脫關中日如趨圯下蹊脩真空有術習懶信無梯
行李幾時北武當猶在西誰知貴公子角枕正清閨
行盡江山知幾重山前池沼尚殘紅塵埃滿眼欣相
見駐馬垂楊夾岸風

順陽東山下小池

用西伏牛亭
公定韻

武當孤壘掃天西一見都忘渴與飢倦客惟貪早休
歇不知飽繫未成歸

次韻宇文伯脩題清溪驛梅花

驥尾曾容躡後塵柳花榆莢古河濱天衢事業已騰
世山驛詩篇知幾春梅萼故應如異日風騷仍得慰
幽人須知猶是枯株在早晚吹噓近紫宸

入試院呈同事章顯父推官又監試柴承之

朝奉

漢江洶洶不知休江上譙門鼓角秋匹馬崎嶇隨國

事同心邂逅得儒流何妨蟋蟀床頭急况是芭蕉雨
脚收別乘端容共蕭散從今相與傲浮丘

午枕覺懷世美

睡鄉天地肅秋風日日欣隨宰我蹤靖節有人須命
駕道途何事不相逢

李元禮墓

幾年模楷揭天中四海衣冠盡影從必待名人裁受
謁遂令當世比登龍求通謾負孔融志執御難追荀
爽蹤回首高門正如市悲風獵獵起長松

泛漢江

漢江衮衮接天流百里舟行一轉眸白浪激風鳴戰
鼓青山迎棹走長虬均陽已斷南柯夢鄴上還驚宋
玉秋南望祖塋能幾驛王程不得下荊州

又音

誰家遊女戲江濱纔見舟來競斂身須信文王風化
遠至今猶自被行人

其二

山東長江激箭奔扁舟衝破白鷗群故人正在笙篁
裏一枕灘聲誰與分

懷襄陽

寄跡襄陽北無因吊古人
卧龍應索寞隋淚想鱗皴
不作龐公客空回徐庶身
風流終自若它日引車輪

次韻顯父睡起偶成

杜門無復轍轂來一日剛腸欲九迴
消遣但能眠白晝較量猶勝走黃埃
霜風却暑通歸路籬菊要人薦
壽杯同我此心君最切更將幽思託清才

留別顯父且約相見于南陽

風帆催我上西舟不得造倍自在遊
山路馬蹄新雨霽早來梅雪可花洲

六國馬高喜引試有日

竭來凡幾事
然分短長鳴鼓未窺才氣
勇懸河先飲
三秋公半月方好萬事無忘心
更涼只願真
國異時端委贊垂裳

湖上聯句

遙岑艤舟見德符
野思過橋生至完
興盡回蘭棹子
厚歸鞍月正明世美

湖上

等閑來棹釣魚舫
鷗鷺相忘亦自然
多事脩鱗躍波底
一齊鳴翼上青天

其二

煙含夜色迷脩竹，鴈帶秋聲落晚沙。不是曾中有雲
夢，只應悽惻滿天涯。

送薛唐卿赴省試

河東文物久塵埃，之子亭亭鬱有材。已見中天鳴鸞
驚不應環堵，更蒿萊綠衣春色知誰共。青簡風流自
此開，傾耳西州人快意。玉階曾上直言來。

送周茂宗學正赴省試

草衣藿食寄塵編，凜凜聲名玉几前。命數曲留成大
器，鄉書重上欲華顛。一鳴竟與凡禽遠，三獻方知美
璞全。二上餘年古人志，從今攄發到青天。

送周天和學諭以次十一人赴省試

日月交光萬國同，群英無復嘆途窮。長松竟拔徂徠
雪，駿馬爭馳冀北風。黃卷論心窺聖域，青雲携手赴
王功。歸來協氣充閭里，好是邦人識類宮。

元夕席上食柑子

契闊吳門千里棲，逢頴水三年臙炬光。中氣味洞庭
波上風煙。

簡仲孺仲孺約德符來即烹茶

曉來城府春融怡，博陵先生還自西天時。人事已如
此，不應壁月空雲霓。

次韻酬德符湖上春色

乘風曾到水精宮
春色推輪日力中
幾處梅花傲殘雪
不隨桃李事輕紅

戲史述古多問相

窮當益堅愧枉道
心不勝術思齊賢
如何東里史夫子
骨相勤勤揮酒錢

世羨約仲孺志之同
西清撰登樓待月分得樓字

風塵作惡敢清遊
以儉無光久自羞
約我晚來尋小艇
與君秋夜對清洲
遠翠凝衣重月借
澄輝撲水浮
不日之遊
與公
隨雙鶴宿滄洲

采石仙人放小舟
荆州老子上南樓
平生風度歸遐想
今日還逢第一流

與仲孺述之
世羨東禪納涼校
韓文世羨以韓公召先去

清風多處是精廬
飯罷俱來校異書
車馬馬能落落事
未斜桐影且安居

其三

紅衣青簡竟多岐
無復尋盟作四夔
同見韓公不同趣
城南城北轉黃鸝

送杜整言居方城

迺翁鬢髮已秋霜藥裹仍聞滿北堂負欲釜魚勤子
職分甘足重寄它鄉山前黃石空猿鶴溪上青編屹
棟梁想見使親忘戒後借書尋舊日徜徉

曉雨枕上有作

震霆幾日動天閤河漢朝來竟一翻頓覺炎歊辭枕
簞只應爽氣滿乾坤雞窓豈但開千卷雲稼懸知亘
九原北事平生最閑慮從今得意遂忘言

次韻德符曾家池上四詩

涼雨霏霏徑沙菱荷無數擁煙霞幽人不受市朝

挽竟日池邊藉落花

其二

平生一語事誠忘鳧鶴不知誰短長跬步秋園作殊
域從他白眼嘲羣禡

其三

庭前葉下風蕭蕭暑氣不敢憑虛驕青天碧水與君
共它日謫仙宮錦袍

其四

真樂油油波底鱗相從款款波上萍鴈奴鷺子社前
後玉樹鮮風吹晚庭

世美寓展江作此簡之

白鷺飛時天宇清君家琴瑟寄江濱不愁折柳無多
日且喜荷花有主人

其二

翩翩儉府幾西風更擬真游渌水中秋晚倚欄應記
得全家看盡渚蓮紅王中玉罷使事寄展江韓

洗竹

欣欣花草不關心絕倒宮庭一畝陰夏籜墮風裁幾
日秋筠要月擬千尋携持斤斧從他恠綠繞欄干看
意深全是吳中舊瀟灑過門應喜伴龍吟

寄裴仲侍親知骨州

幾度秋陂老芰荷蓬門不見雁來過照人眉宇今何
似得意詩篇日更多事逐風雲空白馬功隨山嶽尚
黃河無因雙眼陪君子瞑立西樓一楚歌

南堂八絕句

聖賢祠畢諸生散曳履斜陽噉杜詩幽鳥飛來似相
好竹枝深處語多時

其二

桐竹交陰覆廣庭秋風時與葉爭鳴可憐一曲明君
操不似高山流水聲

其三

長廊耿耿注西東
鼓腹循環返照中
更擬將心寄明月
無端雲葉上晴空

其四

盆水如池傍竹根
早期公業在龍孫
爾來取飲多奇羽
更得南堂幽趣繁

其五

窶人何緣有遺啄
一飲聊分秋水清
貪泉盜泉滿機械
鳥鵲汝應知此情

其六

風搖踈影落清漪
汎汎魚兒趁晚嬉
不是來禽驚不去
窻前從此使人疑

其七

倦來搢策立階除
深喜官居似隱居
寒日西流報衙鼓
紛紛清影上圖書

其八

綠竹不應忘舊好
黃花還擬結新交
欄邊醉倒非吾事
只愛金英嫩玉梢

送田承君隱大留山

田郎風節薄清旻
耻踏冥冥車馬塵
遠業不應忘魏

闕高人聊喜得東鄰鹿門隱去曾携子綿上歸來亦
侍親早晚雲飛雨天下勒移何愧北山神

湖上訪世美不遇

時世美燕
集總管家

夜雨朝晴似蜀天湖光山色故人邊琵琶不許陪犀
塵聽水亭東一黯然

月下懷同盟

常時二妙過晴窻丙夜猶同秋月光不分城扉日多

事天南天北又參商

仲孺
述之

其二

碧天如水駐冰輪粲粲裁餘一兩星想見墻東病居

士廢書捐枕步中庭德符

其三

晚雲携雨入陁山月到西湖萬象閑公子歸來泛家

宅只應詩思落人間

世美

其四

睡覺譙門已轉更小童徐報月重明攬衣起與妻孥
共矯首惟聞鳥鵲驚瀕水杯盤無俗物隔墻巾履有
真情相從竟日今相望四者由來不易并

其五

一經三五一虧盈此夕胡然分外明金令中分寒暑

候瞻輝獨占古今清樽罌自是常年事天地何難永
夜晴寄語風雲莫無賴萬方矯首此時情

次韻王彥溫邂逅登舟

過盡城西百丈堤村村鷄犬午聲齊風前匹馬不回

首知有幽人在竹溪時彥溫後至

訪仲云

涼雨吹絲絡晚空竭來秋興與君同巽亭鵠立雲霓
上未許山川落眼中

道鄉先生鄒忠公文集卷之七

道鄉先生鄒忠公文集卷之八

詩

中秋日泛湖雜詩

高柳籠菴暝晚煙拍堤秋水遠連天恨君不見桃花
盛十里紅波送酒船

賞心自與月俱圓今夜晴陰莫問天秋色向人方有
意不逢星女不迴船

望中白鳥點青煙秋意交情兩薄天仙李騎鯨不知
處高吟誰繼岳陽船

晚風知我興飄然力戰浮雲露遠天判却明朝官長

罵與君徹曉引金船

從來筆力掃千軍卷舌無聲豈不能欲似元戎耀奇策故令偏帥作先登

荷花影裏逢君輩棊子聲中愧我能擬上高樓對設浩更憑長嘯引孫登

胡牀兀兀坐忘情似向曹溪見老能若處樵歌好消息妙高峰上許人登

路轉城隅更可憐畫橋橫處響潺潺篙人不會凭舟意徑逐西風過水源

靈隱山前獨子知清溪渾似潁川湄何當把手東南

六却向山前此時呈世美

士龍擁鼻時一笑司馬忘機只言好野人浪測君子心應為狂吟分枯槁呈仲孺述之

舟去舟還秋半時孤花細草雨霏霏怪來詩句無清思不見沙頭雙鶴飛不見鶴

每將冲韻擬琴高不值飛鳴心更勞邂逅詩成似招隱稻花深處舉霜毛見鶴

誰家脩竹拂雲霓影帶晴光漾漾漪風日無情促歸楫不教閑客共題詩

早覺鳴鳩啼木杪晚來晴日破天顏不愁今夜雲遮

月且凭闌干一看山

乍疑絕岸行飛鷺還誤遊魚出聽琴公子自隨星斗

去水聲它日是崇陰世美水邊聽訟

濫中文會出重城把筆時為蚯蚓鳴日暮歸來理章

句低頭慙愧楮先生懽新詩

興盡歸來湜水邊翠陰亭上奏繁絃龍媒耳接新聲

慣駐足西風不受鞭脫蹄馬上馬乃高明豫者

次韻述之

杜陵秋擬問真源博望親從天上還不使清風委平

地斯人今日在陁山

次韻德符展江懷世美

翩翩風御返瀛洲清夢還應此地遊憑仗雲鴻寄消

息爾來何啻度三秋

次韻先生湖上有作

霜落西陂晚追携物外歡孤芳迎日動輕浪逐蓮乾

魚計從來審鷗盟未易寒誰知少陵老愛客似蘇端

湖上

菱盤不復藏秋水蒲劍猶能戰晚風共陟孤高更忘

適紛紛霜葉下晴空

次韻陳君益見寄

冉冉歲云暮冷然流水心
它邦勤短策今日慰孤斟
竹韻凌風遠花光受月侵
毫端落珠琲三復故情深
次韻羅正之朝散到臨穎見寄

河專委天數平生嗤李尋
同時得君子如古惜分陰
白髮日非艾黃皮秋似深
誰知千里駕中有歲寒心

尺書招德符

北風鳴四野飢鳥下黃昏
寒燭照無寐孤懷誰與論
伊予賦招隱撫事倍銷魂
莫使衡門下朝來獨負暄

偶書

玄鳥未來陽鳥稀廣庭松竹皆故枝
書邊癡坐送日

月春色過門都不知

謝馬叔寶惠佛像琴絃

故人知我久忘情不假苞苴遠寄誠
金範眸容窺往製絲傳流水得遺聲
鄰雞破曉爐邊靜霜月儲清席
上橫香散曲終誰會意與君相望一高城

曾存之以佇雲名庵以待緇流因作此戲之
不見從來庵內人結茅瀕水更慇懃
雲飛日日滿天地借問如何能佇雲

仲弓見訪同過叔原

幕天雲不動庭竹晚生寒
好事倏假蓋擁爐聊整冠

香煤團薄霧松塵落驚驚湍思逸何當盡鄰家有謝安
次韻述之謝寄蘭
竭來幽韻與時分雅稱深沉揚子雲記取人間多惡
草一猶能敗十年薰

魯氏北園

浮雲不傍此庵來竹靜蘭幽一笑開若處鮮鮮解人
意等閑冰破作春雷
藕花蓮葉弄晴暉長記君來作好詩我亦池塘興不
淺若爲相望北風時
汀禽揮頸夢初成庭樹橫煙晚更輕已恨重城落吾

事更堪明月向人生

蘇郎北闕未尋盟崔子西山尚掩扃矯首空庭問懷
抱天高無路鴈遺青

十年不折江南春亭下雙梅是故人憑仗開時屬青
翼已判飛雲滿懸鷄

白蓮香火久彫零還似樂天今服膺我有一言人不
解請君問取北來僧

種竹

去年今日常種竹今年此日還添栽豈論傳舍不吾
有但願清陰遺後來

次韻德符寄世美因以招之

織女牽牛餞我車歸來離菊已榮枯
韓城夫子舊青眼肯使東齋履齒踈

次韻承君見寄

紛紛市道久成風平地圓樓作帝官
白玉相看有君子坐令高議薄冥鴻

生平勲業在詩書黑綬翩翩下藥珠
漳水功成未爲最它年丹檻更捐軀

謝承君見訪

龍吟虎嘯嶺雲開卷罷殘經首重回
命駕直因中散去齋羊不爲護軍來
真情破臘融初日高論先春駭迅雷
勉學古人論一報終慙瓦礫異瓊瑰

次韻劉世德見贈

詩書久與壯心期邂逅塵埃滿客衣
不分壽陵終失步更憐蘧瑗早知非
龍蟠舊水風雷在玉韞寒山草木輝
大抵窮通有時節莫將吾道羨雄飛

次韻文仲元日登巽亭

春隨鼓角靜浮遊放浪乾坤百尺樓
北陌東阡政車馬一時高興屬清流

刺字漫來得古城柳枝桃葉入春情
人間久遲東君

到獨子相投蓋始傾

次韻馬叔寶憶梅

儒冠染盡馬蹄塵又見年光冉冉新寄我一枝無驛
使賴君佳句有陽春雪邊孤韻謝安石風際幽香韓
得真何日相携拂衣去澹煙微月楚江濱

仲弓意欲協律作此戲之

王郎豪翰落明珠自合鵷行儼帝居底事奉常思協
律不歸天祿更讐書

次韻仲孺用前韻寄世美二首

雪霽高陽里欣欣春意深舊遊還入眼何處復揮金

塵表誰南北杯中失古今重憐非土木猶自一沉吟
天宇梅邊靜春光破蟻封嶺雲猶過鴈冰浪欲飛龍
玉鐙隨新約茅簷抵故容何當卷書去相與豁塵胸
次韻文仲落梅

前引蒼龍駕人間春欲光遽先鴻滅影應誤蝶尋香
何事雪霜際不隨松檜長無言倚晴日酌水與君嘗
次韻仲弓寄德符大受時二子皆持母服

二子麻衣掩舊春霏霏皆血灑驚塵白雲不雨還渡

由德符有清穎無心解閱人大受居禍福循環終有

數詩書飽腹未為貧何當跋馬同君去蘿月松風慰

禿巾

鄰家集射

墻東金鼓不停聲，知是將軍奕世孫。
莫浪鳴弓向飛鵞，一年一度到中原。

曾園見棋

濱水娟娟四五枝，不甘柳眼巧相窺。
晚來快我江南思，似欲慙慙報小詩。
始射冰肌不黃土，洛陽王容更青春。
嗅風影目了無語，知我此心能幾人。

雪中懷述之

不爲梁園賦，因辭潁水濱。
誰知遇風雪，孤坐耿陽春。
問路無來轍，携筇匪舊鄰。
從君一樽酒，猶喜有詩人。

招文仲

暉暉晴日動寒灰，書罷衙門爲子開。
莫似王郎著杯酒，更無茶思竹邊來。

聞小引呈仲孺文仲

香中日月久無鄰，特地過從兩玉人。
何必開軒視天壤，角聲嘹亮自知春。

獨坐

庭下芝蘭秀，堂中簡策清。
郁綠無嗜好，不是近聲名。

聞仲弓得藉田令

夏木如雲作晝清
西豪無復岸綸巾
知君談笑藉田
去又喜長安有故人

對雨

不爲泥融俟鷺還
自携秋事入春田
人聞因得風光
好洗出從來寒食天

寒食日諸友見過

鷺子聲中藿食寒
北轅同軌得儒冠
槐檀新火未曾
試爲覓山泉破小團

和仲孺前韻約賞展海棠及簡仲弓述之

西蜀地暖北地寒
長條殿春走衣冠
江亭巧作故時
面濯濯宮錦花成團

一日秋陽十日寒
李下多機難整冠
戴崇彭宣各天
性玉斧何當新月團

曾園見海棠

海棠簇簇弄繁英
隨分相逢眼自青
一種風流似西
蜀何須心着展江亭

戲明豫

西幕情真庭駐雲
東幙心機門闕春
無端幽夢落蛇
尾漏洩風光來近鄰

代者不以時至失仲孺同行之約愴然作此
平日尊鱸計猶隨黃犢留蘇君驗前語裴子但孤舟
隋柳薰風岸淮山霽月樓故應今好在爲我一回頭
上巳日招仲孺述之
三月三日潁水濱蘭亭故事頽冠巾與君嗜好酷相
似速來同鱸盤中鱗

次韻仲弓馬上

霜蹄遙指日邊飛猶得春湖一笑期到此君方動難
思併將懷抱入新詩

次韻君表送仲弓迴有作

北野陰成幄崇朝得暫休班荆無濁酒交纏有清流
風絮閒相逐晴絲懶自遊吾行亦朝夕未擬問功裘
招仲孺述之同過文仲看醪醪

芝堂公子讀書忙堂下醪醪晚自香猶喜阿文清興
在擬携雙壁步斜陽

次韻謝文仲惠醪醪

遠架應憐不記歸故分新摘慰棲遲慧香妙質無人
共賴有青牋寄我詩

次韻龍陽孔方平秋居見懷

黃落龍山暮天高霽色澄樓巖方自若吾子亦難能

家學潛東國時文斥茂陵遙知見懷處詩就耿寒燈

次韻和錢塘諸公賞梅十絕

衝寒來訪喜生和破恨新詩不必多太皞初還好消息從今日飲更無何

瓊英潛解叩靈臺一見先令雙眼開欲識情緣未忘處不辭珠履步蒼苔

雲山寂寂水回回幽徑非緣世俗開桃李無言且如此自然人逐暗香來

江天吹雪不勝繁南北東西晚更昏料得時人散車馬清吟應亦有英莧頃年江淮間有冥漢子為梅詩云紅苞紫萼曾欺雪素艷清香

解動人自有風傳技上意肯教蝶見藥中真

陳根未作去年花天宇空明鴈影斜忽上溪橋見顏色不施朱粉似東家

排闥端令天地開萬花從此四時催政如匠石椎輪後始有光華大輅來

東風拆拆動冰泥素萼迎春滿故枝早晚團空熟青實人間消渴待真醫

蜜蜂蝴蝶未狂飛螻蟻仍難上凍枝惟有青松一丈相看曾共歲寒時

綽約冰肌故自輕玉衣玉食更鮮明無心來此與君

遇莫起它時兒女情

玉樹森森太傅家
玲瓏徐動曉風斜
可憐刻楮空梳
事一葉三年猶未花

戲舜俞遊西湖

湖光收盡只芙蓉
決皆飛來白鳥孤
想見城南葛藤
老又將心境示妻孥

贈同仁塾教授

西來黃軸塞虛空
都在圓光一點中
陌路勸尋高着
眼宗風况即是家風

次韻荅李希白秀才

數椽茅屋異千間
慙愧君歌行路難
自昔牛羊多列
鼎只今蒸藿未盈簞
須將嘉木殷勤植
莫把脩鱗取
次蟠請看齊城不危困
功名豈復有田單

次韻德符馬上口占

直欲掩關心似水
不知開國面如日
相逢一枕秋光
裏疑是先生亦姓邊

春陰

極目三封日易斜
無因重守故庭花
春陰又是憐花
草鷺子飛來知幾家

聞鶯

櫻桃初熟露珠輕客裏光陰曉更清猶恐先生只歸
夢故携天籟入風聲

病卧讀書

山爲屏障草爲裯黃犢群中早奮身骨立詩書亦何
有不如此取坐忘人

次韻仲弓見荅

青衫白馬吏天邊宵次長年只輞川我愧無才似裴
迪亦緣春步見新篇

席上呈仲明

誦詩久欲陪蘇煥載酒誰憐訪子雲莫道囊空之供

給鄰家芹菊許人分

次王彥魯韻呈仲弓

城南蕪吏隱草樹水中央飛鳥有時到驚塵無處揚
留春供燕集落日借輝光一自烏衣後風流知幾王

送郭舜俞再任穎昌

穀雨冥冥春盡頭故人重解去時舟西湖好在一百
頃爲我傳聲到白鷗

初到京謁執政

鄧陽謾說曳長裾東閣由來禮自殊負郭田園儻無
恙不如歸去老江湖

次韻文仲冬夜書懷

抱經何必歎空言
看取東郊舊力田
蔗菜儻能無落
事大陰居卯定豐年

長冰迎日動堤塍
堤上人行似獨醒
只有群鷗疑着
在一時飛舞起寒汀

冷官裘馬怯凌風
咫尺雲窻邈異封
長憶去年同燕
處竹邊梨栗送殘冬

初夏過西苑呈商居平程良弼二年兄

紅香吹盡綠陰垂
恰似當年錫宴時
今日玉津樓下
過午聲依舊囀黃鸝

次韻蔡天啓寄藉田令

興來雲路欲飛仙
風更吹涼入綺錢
豈但烏衣今莫
逆也知白鳥舊相便
波隨靜止荷初展
舟逐閒移楫
自眠我亦書邊有
餘日與君同到五湖天

道鄉先生鄒忠公文集卷之八

道鄉先生鄒忠公文集卷之九

詩

雨中

五月沉陰久不開
冷風吹雨滿天街
老農且莫愁
麥丞相祈晴已宿齋

與存之會相國

雨中竹葉不勝翠
風過榴花元自紅
門外喧喧正商賈
與君趺坐入真空

夢閻求仁

朱衣象笏肅賓階
平昔襟懷向我開
猶恐孤根自搖

蕩故傳好語夢中來

登建隆回呈俞秀老

瘦骨峻嶒聳碧峰應緣曾住大明東道吾埋沒今何處少室分張昔已空殿閣不移秋際影松蘿猶韻曉來風為人徹困無人解借問三生龐德翁

虎丘晚歸呈同遊

虎丘山色最宜秋山下濺濺亦可舟北去幾年空好夢東來今日快昏眸那畿正藹無雙輿杖履仍逢第一派邂逅高風許追逐異時應擬峴山頭

濟明不預虎丘之遊作此寄之

虎據千年一故丘爾來形勝絕南州池清不礙龍收影臺迥猶疑石點頭白日青天秋更好幅巾藜杖曉同遊遙知正擁雙旌坐直上雲峰一凭樓

再用前韻答濟明見和

長笑空言謾九丘更携餘刃佐方州老姦不復潛封內佳句終然到筆頭秋入江山供遠思路回猿鶴佇清遊只應未厭斯民樂還聽鍾鳴十二樓

次韻和通判梁端夫朝奉曉登峴山有作

天宇霜來峴首高爽心先寄雪中撓早陪勝集方多暇應念前人不復朝鴈影有時搔菴江聲終日上

岩堯遙知清絕詩成際正似寒牕火歆銷
次韻和端夫席上送樗年

過額紛紛競掃眉此心直與古人期三年並席惟夫子一笑忘言謝小兒
江國舊編塵漠漠帝鄉新路日遲遲
儒冠道在無通塞莫問高門知不知

寄世美

江南秀色滿崔嵬上得平山入眼來遙想歸心動朝夕不應猶待八仙開

謝端夫惠梁因求餘材

破竹誅茅屋數椽爾來風雨蕩朝昏豈知東閣猶堪廐若比膠庠不可園蓬華已甘聊卒歲棟梁誰謂入衡門因公起我高堂意更乞餘材千萬根

再用前韻荅端夫見和

朝衣暫此擁屏星長笑他時智惠昏不以誠心尊孔氏却將吾道奉祗園
由來博施能周物曾是寒生亦叩門只恐堂成待公落鏡中黃色尚山根

簡襄陽令田世德通直求餘材

百里江天指顧中大夫真有古人風似聞齋館成功久應許餘材入泮宮

次韻和端夫喜望之祈雪有應

誠意通群祀朝來忽已飄六花紛汗漫千里入均調
趙璧光凌日隋珠暗擲宵老農愁自判稚子喜來嬌
化育知難詰形容豈易描白鹽聊比擬黃竹謾謳謔
談柄迷脩塵朝衣奪素貂豐穰歸嗣歲收拾謝枯樵
淺露先生履深齊惠可腰思添帝應物狂助蓋寬饒
民食逃艱粒宸心定解焦樓高天構玉池迥地踞瑤
奕韻陪松檜嚴聲陋鼓簫亡羊空道路失鶴但雲霄
撫運年將往侵人鬢歆凋題輿真健筆險句壓寒綃
重愧非名士茲焉綴下寮主賓參沔渡杖屨集山椒
故事梁園在風流楚國遙瓊瑰爭報復宇宙一溟漚

莫訝春來晚春來待此消

次韻慎微雪

萬物歸根後端來兆物華仙姿凝鶴氅雲路擁羊車
但喜天時正寧知帝力加有田皆玉粒無樹不瓊花
浪說朱蹄馬空餘白首鴉酒邊深薦爽穿處巧藏窠
徑斷回樵斧波渾倚釣槎高門委金帛陰壑蛻龍蛇
功茂豐年穀名喧好事茶叢輕頽瓦竹搖洵動籟牙
蝶冷殘初夢蜂寒闕兩衙殷勤非俗韻瀟灑是生涯
火變人窺異軍潛夜肅譁暗香迷綻蘂新築路平沙
寸食方從寄扁舟未可奪只應清興在猶似子猷家

一云何當歸屬
國誰復念長沙

次韻和慎微雪夜飲歸

籃輿遠自斗邊城
雪夜乾坤分外清
我為捐書徑眠去
寒光猶助一牕明

招穎昌曾存之

荆山漢水雪邊春
滿眼風流見古人
領略此心誰與盡
從容高義勢難親
靜搖菴影竹如昨
清弄池光梅欲新
知子相忘忘未得
禪牀推倒就車輪

延慶山中呈田世德

雲擁招提自一家
僧前百鳥正銜花
長官不怕驚飛

去猶向山頭放晚衙

簡仲益求紙帳

紅錦暖籠樽酒後
絳紗輕覆簡書前
懸知紙帳君無用
斤與邊韶助晝眠

仲益以帳來且有就榻眠之句復次韻與之

茅屋初成亦可憐
更懸青帳小窻前
不嫌索寞無春夢
解使君心似眼眠

元夕過唐潛亭

乾坤爲室月爲燈
今夕先生眼倍青
笑盡筌蹄聊把手
不知何處是中庭

其二

藏拙堂深不浪開
夜光容我卷書來
棋花傲雪初無語
斗柄催春忽自回

其三

參禪不學龐居士
得句猶如孟浩然
要識從來用心處
閒無車馬到門前

送谷隱呈同行諸公

窈窕峰巒藏寶刹
崢嶸樓閣倚晴天
我來不問東西意
徑就僧堂借榻眠

仲益欲歸作此留之

關西關北漸芳菲
曉馬凌春入翠微
山向吾曹正多思
不應攬轡屢言歸

次韻荅端夫約春遊

分如松柏老相看
桃李風前共歲寒
只恐功名挽公去
一春能得幾遊盤

次韻荅仲益見簡

鏡裏年華鬢未蒼
春山且喜漸芬芳
功名富貴時來耳
底事靈臺著廟堂

次韻和潛亭

暖律稽遲太史占
風前猶復弄威嚴
不妨豪客成樽

且重使斯民困米鹽但見青峰皆玉筍豈知白屋是
茅簷何人隱入群羊去應笑痴兒認角尖

又

朝來一色換紛華眩眼端如醉後車豈待三年方楮
葉雖非八月亦蘆花李邊照耀河南日柳外繽紛靖
節家欲上雲巖訪禪老路迷空想舉長義

謁武侯道中

萬株桑柘擁江城中有棹花獨自清不近樽罍免
折會須結實助和羹

其二

先生龍卧此山丘宇宙曾經幾運籌一自英雄三顧
後至今車馬不曾休

其三

萬山山上塔擎天萬山山下碑沉淵天光淵影映相
入一碧萬里青春前

其四

晚雨霏霏江上來長江水色蒲萄醅鷓鴣鶻得意
處凌風蕩槳從東回

其五

萬山橫出波面浮山前舟楫凌飛鷗遙看塔廟

日蓬萊方丈金黿頭

送香潛亭

炙背軒楹日轉時博山爐頂駐遊絲先生妙與此心
契憑仗清香一解頤

次韻荅謝公靖節推將至襄陽見寄

不見紫芝今幾年
竭來眉宇照山川
關南關北風流在
猶得時時一舉鞭

又

賓主相忘汚水濱
高風誰與向來親
君能鷄黍酬初諾
我亦齏鹽得此春
桃李無言方永日
江山有路正

直人直須弄鳳騎龍去莫使身為可畏身

送墨潛亭

少室峰前松挿天
棟梁餘力煥青編
東齋政欲捐書坐
往助子雲成太玄

送李拱之秀才還唐州

真淡先生早杜門
三香亭上自乾坤
人間巧舌猶蠶起
子獨摳衣識道尊
幾日凱風吹戶牖
只今歸路指丘園
將分索我微言贈
欲贈微言無可言

送居政禪者遊廬阜

拄杖橫擔得自由
冷雲飛雪下南州
殷勤要識廬山

面五老峰前一舉頭

六月六日城外馬上呈世德

峴山脚下江水生普寧寺前舟楫行細民無錢不得
渡老幼相持愁歎聲

又

虎頭鳳麓連長堤隨山刊木路可為長官仁政及物
遠一時力役民忘疲

仲益遠塞便門作此戲之

閉門不啻似泄柳排闥何由如舞陽憐君肝膽便楚
越使我南北成參商

謝潛身惠芸香紫桃

暑寬已覺書生蠹飢腹還驚雨後雷珍重先生解人
意芸香桃實一時來

聞存之遊東師且邛報達官有薦之者

昨來不肯聽朝雞乞得真宮即日歸老衲蒲團閑共
倚少師玉麈醉同揮誰知捷徑嵩山在未覺心馳魏
闕非綠鴨陂中釣竿手只應從此叩黃扉詩云曾有
釣竿手不
辨叩黃扉

次韻和師稷清明懷鄉之什

掃盡人間冰雪寒魚龍鱗甲動爛熯向來協氣無蹤

跡從此氤氳滿世還

眼裏飛蠅日夜侵對時寧復忙年心故人把手知難
遇強起禪冠挿舊簪

天路幽禽暖頰頰芝蘭抽砌葉初長自憐骨立風光
裏勉向原頭泣奉嘗

春聲入鼓曉聲聲春色盈花晚更紅陶冶東君了無
意一時分付與晴風

冥心無物契毘耶觸處俱爲剎水涯却恠年來被春
惱逢人不覺歎浮家

青鞋布鞵水雲鄉勝踐會同物外忙欲寄沃州雙淚

去松陰高冢是星郎

南明山下枕清流曾次塵無一點留只恐少微黃色
動終然來作濟川舟

高木籠軒翠作行枕書閑聽雨浪浪別來一念終難

戒猶得追論几席傍

軒謂南廳
之會軒

觀象懸知歲有成通宵格澤照天明餘生飯飽無它
事坐看紛紛萬物情

三元甲子幾回旋前日滄溟今甫田惟有交情似春
壽蟠桃花裏自年年

次韻和永守丁葆光大夫對雪

幾日江雲凝不流欲將勝事一齊收乾坤破夜端爲
畫草木留春不復秋黃竹作歌君得意素娥行酒我
消愁頃知身世塵埃盡直到廣寒宮裏遊

次韻和葆光晚望

雪晴新興與春俱脫畧司空城旦書衡嶽帶雲回玉
輦楚江浮日動金魚故人情遠欣相遇夢境時來信
所如北闕遙瞻念圖報恩深猶在免誅鋤

登岳陽樓

岳陽樓上望重湖混合乾坤入太虛若比恩波未爲
闕此身猶得曳長裾

瀟湘道中

清湘浮影動漣漪寒日收光下翠微回首君親正無
奈幽禽幾叫不如歸

極目瀟湘漾碧瀾萬峰插水巧灣環我來日日忘飢
坐却愛真山似假山

萬死猶輕罪有餘恩容循省但流居瀟湘二水相逢
處無復波濤今自如

十月一日

杉松無數擁高墳想見今朝奠酒樽惟我罪深難赦
宥五千里外慘鎖魂

寒食日

祖考流光豈有窮不能肖似忝家風
北紅塔畔清明節心折高山悵望中

寄花光仁老

行盡江湖見盡山無窮氣象香難攀
知師筆有維摩力爲我移來助解頰

仁老寄墨梅

二月八日春氣分忽見梅英枝上繁
顛狂索酒醉復醒知是筆端回化元
嶺南消息報來新正想梅花傍酒樽
生出兩枝送寄

我道人方便信多門

前年謫向新州去嶺上寒梅正作花
今日霜縑玩標格宛然風外數枝斜

馬祖蒼頭掛鉢囊晚隨緣出住花光
僧繇一筆無人會戲作寒棋自在芳

解衣盤礴寫梅真一段風流墨外新
依約江南山谷裏淡煙疎雨見精神

金張許史競東風魏紫姚黃醉眼中
賓客貴人吾不預獨將清韻照禪宮

春晚晴光破雨回閑將花軸傍簷
開爐煙細逐輕風

散疑是香隨梅處來

道鄉先生鄒忠公文集卷之九

道鄉先生鄒忠公文集卷之十

詩

送僧慈願遊南華

用丁蘇光韻

南華老子定相親
應問三湘放逐臣
為報君恩似天地
不教重作嶺南人

南華老子乃
智明長老

冒雪渡江遊朝陽
火星二巖既歸戲作

踏雪尋山亦自奇
歸來追想欲吟詩
孺人顧我忽然笑
却道君今休更痴

元日

閤門拜表賀君王
數載追陪鷓鴣路
鳥行鬱鬱忽忽又元

日望雲空斷九迴腸

其二

斑衣爵躍為親壽壽歲年年兄弟同今日瀟湘亦佳節獨將無語對東風

其三

此身何物比儀形風裏孤蓬水上萍莫道南來無可績為誰扶出老人星

其四

南來日日望新年今日新年到眼前笑語妻兒莫惆悵即隨歸燕上歸船

其五

寒雪歛隨殘臍盡暖風端逐早春回人間無數芳菲眼會見乾坤特地開

其六

紅梅閣下梅香動青草湖邊草色新鼓枻行將指歸路倚欄猶得會鄉人

其七

莫怪今朝雨不休天工着意在年頭塵埃浣滌須教盡始得風光徧九州

其八

版築何求終見起金滕不辯自能開君恩滉漾無邊際解逐東風向我来

悼范丞相丞相諱永州時居高山法華寺寺有祠堂崇寧二年正月二十日大

祥義霞即祠堂作佛事進薦子適見之

鐘銘勲業今何在土偶形容尚儼然惟有老僧心不改慙慙歌頌作三年

又

公騎箕尾歸天去我放江湖繼踵來邂逅招提見遺像尚疑東閣為賢開

贈祖澤長老

針水相投有幾人故人亭畔忽相親四門開了無它事笑倚瀟湘一片春

戲澤老用祖燈韻

要識漳州李秀才無髭無髮惡追陪如今熟也君知否不獨江西有大梅

次韻荅澤老

覲面相呈是此時了無猶豫與狐疑南山雲起北山雨爵躍掉頭吾弗知

又

高山不動白雲深一炷香凝弄水沉歆去復留誰會

意黃鸝枝上囀新音

送澤長老往南方

杖頭挑着祖師禪走徧三千與大千又被草鞋勾引
去善財遊處弄雲煙

招夢安臣

春色集筵筍楹今朝興倍生一樽誰與共促駕有豪英

題仁老所畫枕屏

昔侍先君官四明往來皆向此中行昊天欲報嗟何
及空對小屏無限情

其二

萬頃紅蕖照落暉五雲門外賀家池別來無復當時
興二十四年空自知

其三

古堰橫空舟楫回曹娥江上候潮來全家彌月寒光
裏日日鮮鱗醉潑醅

其四

天華寺前維小舟僧牕軒豁留清眸平湖秋霽淨如
鏡時復輕輕飛白鷗

其五

身在九疑麓門當二水流誰知剡中勝朝夕助嬉游

柄生日

南極星中見老人祥光垂照喜生春身如龜鶴心如
石進德功夫常日新

示愚溪守道山主

义手前來問我禪我無言句與人傳一盃茶罷抽身
起笑指長松直上天

次韻和李餘慶

三分春色一分空莫負花前酒滿鍾醉裏是非渾忘
却在心襟客自分宗

題仙居閣

丁晉公閣信出 遇女真何氏未之
見其星冠羽

服身光數尺

心鏡圓明照不窮晉公无自賞昔銅真人外景雖能
觀爭識希夷造化功

霞老松雲會堂後開小軒為以覽勝名之因

示短句

瀟湘之勝渺無窮盡入西軒一覽中須信高山巧方
便為人別自有家風

西鄰葛長源司錄到名茂宗

鄰舍南來不得書口傳消息到吾廬白雲入望無休
歇何日班衣奉版輿

鷓鴣鳴

老鷓聲裏度朝昏
凶吉由來我不分
惟有淵明心莫
逆一函經罷醉醺醺

偶書

長折松枝爲麈尾
圓剝杉樹作茅菴
本來面目無人
識却許江山靜處參

望澹山

澹山形勢冠零陵
咫尺拘攣去未能
悵望煙霞今阻
隔尚期歸路一來登

移居昭州

廣南東西四十州
瘴癘莫與新昭侔
我身多病亦知
免陛下仁同天地流

其二

日日聞人說桂州
桂州朝夕遂經由
自憐罪大當踰
嶺深荷皇恩不遠投

其三

忠孝從來不兩全
兩無忠孝倍堪憐
自新有路君恩
重猶冀它時不愧天

覽鏡

覽鏡朝來心自知
鼻端色動有光輝
鄉邦回首見歸

路已覺歡欣生綵衣

陳滿堂

滿堂當日亦飛昇金筍無根不復生惟有明皇留釐
處至今雲霧半山橫

灘聲

長灘斗折轉城隅激浪飛聲晝夜俱猛訝龍驤帶雷
雨緩疑仙會集笙竽吟風古木那能和弄影幽禽只
自娛我已無心到天籟憑欄聊爲一踟躕

又

洗耳何須潁水清淫哇滌去有灘聲宮商別奏天然

曲淡薄追還物外情聊與沙鷗均至樂謾同漁父引
餘觥箇中一拍誰人會長嘯歸來煙霧生

聞州學補試

辟離泮水舊先生十五餘年經自橫今日傳聞試多
士尚疑身復任權衡

懷詹成老

胸中雲夢向來寬妙入微塵心更安天北梧桐正鳴
鳳江東枳棘尚棲鸞淵明可是忘三徑下惠猶能仕
小官何日相從坐金粟靜聽飛雪灑琅玕

懷霍子侔

平時咳唾落珠璣未掌絲綸亦數竒遠去天官空帳
幄中分准水動旌旗蜀罪蕩條民知免列位搜揚士
不遺報國功成有餘日也應回首念流離

懷何伯震

我別家時君在牀後來南北兩相忘直饒伏枕到新
歲也勝投身居瘴鄉孤節未嘗交世俗清貧何以度
星霜皇天默相誰窺得看取它年吾道光

懷張晉卿

年少東隣新親家奮然鱗鬣脫泥沙傳聞昨者數時
弊想見邇來雙鬢華局上光陰聊鬪馬盃中意氣莫

生蛇江鱸已過河鮑出淮擬從君耳竅荻芽

懷黃元暉

遠託同門寄好音夫君不改歲寒心因思明月共千
里亦似家書抵萬金羨玉會開和氏璞高山猶祕伯
牙琴真人訓誥知無爽快我它時朋盍簪

招澤老

門向山城靜處開更無一點舊塵埃葛藤尚憶龍溪
老拄杖橫擔便可來

道傍婦

長插雙釵低繫裙手持青繖步如雲忽然退傍芭蕉

立元是前頭逢伯君

昭婦謂伯公叔
公為伯君叔君

懷至明弟

青衫雖已被天恩
釐楚難趨猶杜門
分手於今十箇月
寄書何事一無言
但勤藥餌寬吾母
休費心神接迺昆
我罪消除歸有路
綠衣相與應簾幃

懷至遠弟

機警言如君亦可人
經營門戶不因循
須知孝友是為政
莫歎功名難奮身
北塔杉松培萬本
東臯禾黍列千囷
爾兄倍覺歸來好
百事無為只奉親

懷承天岑老

記得承天老古錐
呵呵拍手幾人知
年來飽飯應無數
門外小橋真可為
浙右普瞻圓照塔
室中高掛建隆師
我身雖竄心如昨
落筆猶能揮寺碑

夢秦少游

淮海維揚第一流
三關齊透萬緣休
真心豈復隨灰劫
遺骨終然寄橘州
專為流通深歎賞
莫相鈍置豁愁憂
覺來欲語無人聽
屋角熒熒空斗牛

聞放歸田

天地曾無一物遺
孤臣今許返庭闈
黃茅瘴裏抽身出
青草湖邊鼓棹歸
衣錦還鄉難並比
承顏稱壽信

光輝恩深骨肉何由報空有精誠貫紫微

寄曾敷文

誰道衡陽鴈即回也傳書向嶺南來故人得報皇恩
至約我同歸青眼開爽有江湖清暑氣豁無塵土一
靈臺功曹法掾相隨處邂逅追蹤真快哉

贈湘西琳老

八年之中三往迴道人一意金石開非干桑梓有分
好自是針芥無嫌猜焚香說了四句偈把千直上千
尺臺洞庭青草不我隔東吳可歸歸去來

聞霍仁仲唱名第一

吾鄉魁選久蕭條深喜高才偶聖朝天子六龍飛紫
極狀元一鶚奮丹霄拜親此日榮誰及報國他時事
更超四海謹然重改觀常州真是出英標

喜歸

日日思歸今得歸朝衣不着着斑衣誰人得似鄒居
士跳出輪巨無是非

喜雨

不雨人憂早晨興忽沛然早禾欣長王炎瘴敢留連
氣象還豐歲歌謠動樂川皇恩亦如此特放我歸田
將歸先寄道鄉

自作中老吏道鄉難更居今予返田里就爾樂琴書
閉戶溫生席開窗涼滿裾年來通物理得計在淵魚

川漲

昨朝清露石今日漲汀灣翁受無邊水流來有衆山
魚龍隨浪躍鷗鷺掠波還因念盈虛數高樓一破顏

山禽

何處飛來傍隱居就中聲與衆禽殊長拖綬轉嬌無
力一似汴孫吹盡烏

憑欄

朝天坊裏朝天客北去朝天已賜環從此昭平夢不

到賸憑欄檻看青山

修仁茶

味如橄欖文方回初苦終甘要得知不但炎荒能已
疾携歸北地亦相宜

又

嶺南州縣接湖南處處烹煎極口談北苑春芽雖絕
品不能消鬲禦煙嵐

又

龍鳳新團出帝家南人不顧自煎茶夜光明月真投
暗悵望長安天一涯

得家書

烏鵲每來簷外集
蛛絲時向眼邊明
心知有喜尋歸路
今日音書果見迎

人得敷文書

一封黃勅下天關
嶺表湖南釋舊跼
吏部回頭真可笑
拾遺作伴竟同還
張公洞裏花流水
揚子江邊雪滿山
更約家居多暇日
相從莫遣鬢毛斑

懷成老

樂平主簿詹成老
平樂流人鄒至完
莫逆於心心古道
不知其異異時官
一觴一詠風光勝
無咎無譽世

界寬比陌東
件好歸去幅巾藜杖永相安

寄葛長源

平樂春陵地
接連嶺南嶺北異
風煙罪分輕重當
如此坐阻聲容空
自憐天上恩書來
有日湖邊歸路約
同舡東門取醉鄰
居耳已辦金魚當酒錢

靜閣堂

進士王氏構堂燕居
久未有名予偶散步
造焉主人言在朝散
梁承奉頃嘗集此因
名之曰靜閣堂目留
此以見意云

左轄諸郎朝散君
頃年於此岸綸巾誰
知還是風炎

日我亦來為堂上人
菡萏波澄端自倚
桄榔煙靜幾
番新靜中
閱盡榮枯事
獨愛龍山萬古春
龍與此堂

望相

山禽

異色殊形不可名
飛來飛去亦多情
只應知我歸期
近故傍書帷送好聲

晚步

緩步隨山徑
橫前得野塘
倚風荷展玉帶
日鷺翹霜
露斂都無瘴
天晴却自涼
搯筇恹新興
疑已到江鄉

記夢趙正夫相勞如平生與語且訪歸田之
命是是否否云有即方傳無不歸田以

其語兩端又如此
云非矣遂作此詩

廊廟知心獨此公
夜來竟夢忽相通
密言新命非虛
語所以流傳四海中

寄坐中

天道無私果是非
斯人如鳳中人機
雄鷲一矢從南
落雌領諸雛
向北飛且與龜
能為伴侶未應
螻蟻損
毛衣廉州瀟源
故此一聯及之
最
吾公致理有虞舜
會見翔
翔下德輝

道鄉先生鄭忠公人集卷之十

石渠寶笈續編
卷之五
書畫
一



國

